

趙景深編

第二冊

高中混合國文

上海北新
書局印行

趙景深編

高中混合國文第二冊

上海北新書局發行

高 中 混 合 國 文

翻 印 必 究

民國二十四年十月付排
民國二十五年一月初版

▲ 第二冊

實價大洋六角

編輯者 趙景深

發行人 李 志 雲

出版者 北新書局

總發行所 上海四馬路中市六三三號
電報掛號一一六三
北新書局

分發行所 北平 成都 濟南 廈門
廣州 重慶 開封 溫州
杭州 武漢 西安 汕頭
南京 長沙 貴陽 雲南
北新書局

高中混合國文 第二冊目次

一	意言·····	洪亮吉（一）
二	吏道·····	鄧牧（四）
三	患盜論·····	劉敞（七）
四	談動·····	朱光潛（一〇）
	文章體製一：文體的交錯	
五	談靜·····	朱光潛（一七）
六	答李推官書·····	張耒（二三）
七	論盛孝章書·····	孔融（二六）
八	原毀·····	韓愈（二九）
	文章體製二：論辨	
九	送橘啓·····	劉峻（三五）

一〇	郊外·····	周作人（三六）
一一	以漫畫初刊與子愷書·····	俞平伯（三九）
一二	歐行道中寄書之三·····	胡適（四一）
	文章體製三：書牘	
一三	送區冊序·····	韓愈（四六）
一四	送高閑上人序·····	韓愈（四八）
一五	送從侄帝遊廬山序·····	李白（五一）
一六	夜坐自述貽自南上人·····	張翥（五三）
	文章體製四：贈序	
一七	山中嘉樹記·····	姚希孟（五六）
一八	顯靈宮柏·····	袁宗道（六〇）
一九	威司利·····	巴金（六一）
二〇	舊地重游·····	豐子愷（六四）

文章體製五：雜記

一一 記三峨山……………范成大（七二）

一二 藏行紀程……………杜昌丁（八一）

一三 吳保安傳……………牛肅（八六）

一四 吳保安棄家贖友……………馮夢龍（九四）

文章體製六：小說

一五 櫻花……………茅盾（一〇四）

一六 湖山小記……………蕭士瑋（一〇七）

一七 殺狗記第二折……………蕭德祥（一〇九）

一八 雪夜救兄……………徐啞（一一九）

文章體製七：戲劇

一九 上高宗封事……………胡銓（一二三）

二〇 教戰守……………蘇軾（一四〇）

三二 論積貯疏……………賈誼(一四四)

三一 以魯肅自代疏……………周瑜(一四六)

文章體製八：奏議

三三 手詔何點……………蕭衍(一五一)

三四 與湘東王令……………蕭綱(一五二)

三五 禁浮華詔……………高洋(一五三)

三六 誠兄子書……………馬援(一五五)

高中混合國文第二冊

一意言

洪亮吉

人未有不樂爲治平之民者也；人未有不樂爲治平既久之民者也。治平至百餘年，可謂久矣！然言其戶口，則視三十年以前，增五倍焉；視六十年以前，增十倍焉；視百年百數十年以前，不啻增二十倍焉。試以一家計之：高曾之時，有屋十間，有田一頃，身一人，娶婦後，不過二人，以二人居屋十間，食田一頃，寬然有餘矣。以一人生三計之，至子之世，而父子四人，各娶婦，卽有八人。八人卽不能無傭作之助，是不下十人矣。以十人而居屋十間，食田一頃，吾知其居僅僅足，食亦僅僅足也。子又生孫，孫又娶婦，其間衰老者或有代謝，然已不下二十餘人。以二十餘人而居屋十間，食田一頃，卽量腹而食，度足而居，吾以知其必不敷矣。又自此而曾焉，自此而玄焉，視高曾時，口已不下五六十倍。是高曾時爲一戶者，至曾玄時，不分至十戶不止。其間有戶口稍落之家，卽有丁男繁衍之族，勢亦足以相敵。或者曰：「高曾

之時，隙地未盡闢，閒廩○未盡居也。』然亦不過增一倍而止矣；或增三倍五倍而止矣；而戶口則增至十倍二十倍。是田與屋之數，常處其不足；而戶與口之數，常處其有餘也。又況有兼併之家：一人據百人之屋，一戶占百戶之田，何怪乎遭風雨霜露飢寒顛踣而死者之比乎！曰：『天地有法乎？』曰：水旱疾疫，即天地調劑之法也；然民之遭水旱疾疫而不幸者，不過十之一二矣。曰：『君相有法乎？』曰：使野無閑田，民無剩力，疆土之新闢者，移種民○以居之；賦稅之繁重者，酌今昔而減之；禁其浮靡，抑其兼併，遇有水旱疾疫，則開倉廩，悉府庫以賑之；如是而已。是亦君相調劑之法也。要之治平之久，天地不能不生人，而天地之所以養人者，原不過此數也；治平之久，君相亦不能使人生，而君相之所以爲民計者，亦不過前此數法也。然一家之中有子弟十人，其不率教者常有一二；又況天下之廣，其遊惰不事者，何能一一遵上之約束乎？一人之居以供十人已不足，何況供百人乎？一人之食以供十人已不足，何況供百人乎？此吾所以爲治平之民慮也。（治平篇）

今日之畝，約凶荒計之，歲不過出一石；今時之民，約老弱計之，日不過食一升。率計一歲一人之食，約得四畝；十口之家，即須四十畝矣。今之四十畝，其寬廣即古之百畝也。四民

之中，各有生計；農工，自食其力者也；商賈，各以其贏以易食者也；士，亦挾其長，傭書授徒以易食者也。除農本計不議外，工商賈所入之至少者，日可餘百錢。士傭書授徒所入，日亦可得百錢。是士工商一歲之所入，不下四十千。聞五十年以前，吾祖若父之時，米之以升計者，錢不過六七；布之以丈計者，錢不過三四十。一人之身，歲得布五丈，即可無寒；歲得米四石，即可無飢。米四石，爲錢二千八百；布五丈，爲錢二百。是一人食力，即可養十人，即不耕不織之家，有一人營力於外，而衣食固已寬然矣。今則不然：爲農者十倍於前，而田不加增；爲商賈者十倍於前，而貨不加增；爲士者十倍於前，而傭書授徒之館不加增。且昔之以升計者，錢又須三四十矣；昔之以丈計者，錢又須一二百矣。所入者愈微，所出者益廣，於是士農工商，各減其值以求售；布帛粟米，又各昂其價以出市。此即終歲勤動，畢生皇皇，而自好者居然有溝壑之憂，不肖者遂至生攘奪之患矣。然吾尚計其勤力有業者耳。何況戶口既十倍於前，則游手好閒者，更數十倍於前。此數十倍之游手好閒者，遇有水旱疾疫，其不能束手以待斃也明矣。是又甚可慮者也！（生計篇）

（選自卷施閣甲集）

洪亮吉（一七四六——一八〇九）字稚存，一字君直，號北江，晚號更生居士，清江蘇陽湖人。官至寶錄館總裁。因上書，以直言怒帝，擬腰斬，特赦免，斥戍伊犁，赦還，卒於家。平生著述甚富，有遺書二百餘卷。其作風與衍典雅，於書無所不讀，尤精輿地學。詩文有奇氣。少與黃景仁、齊名、江左，號爲洪黃。

註釋

○廛 一夫所居曰廛。

○種民 未詳。管子：『百姓不安其居，則輕民處而重民散；輕民處而重民散，則地不開。』註：『重民謂務農業者。』得樹樓雜抄：『吾鄉呼佃客爲種戶。按黃文獻公、嘉興吳府君碑：捐種戶逋租三千餘石，則元時已有此語。』種民殆卽重民、種戶之類，疑不能定也。

○皇皇 楚辭註：惶遽貌。

○溝壑 孟子：『老弱轉乎溝壑。』

二 吏道

鄧牧

與人主共理天下者，吏而已。內九卿，○百執事，○外刺史，○縣令，其次爲佐爲吏，爲胥

徒^④若是者，貴賤不同，均吏也。

古者，君民間相安無事，固不得無吏，而爲員不多。唐虞建官，^⑤厥可稽已。其去民近，故也。擇才且賢者，才且賢者又不屑爲，是以上世之士，高隱大山深谷，上之人求之，切切然恐不至也。故爲吏者，常出不得已，而天下陰受其賜。

後世以所以害民者牧民，而懼其亂，周防不得不至，禁制不得不詳，然後大小之吏，布於天下，取民愈廣，害民愈深，才且賢者愈不肯至。天下愈不可爲矣。今一吏大者至食邑^⑥數萬，小者雖無祿養，則亦並緣^⑦爲食，以代其耕，數十農夫力，有不能奉者，使不肖游手，往往入於其間。率虎狼，牧羊豕，而望其蕃息，豈可得也！天下非甚愚，豈有厭治思亂，憂安樂危者哉！宜若可以常治安矣，乃至有亂與危，何也？夫奪其食，不得不怒，竭其力，不得不怨，人之亂也，由奪其食，人之危也，由竭其力，而號爲理民者，竭之而使危，奪之而使亂。二帝三王^⑧平天下之道，若是然乎！天之生斯民也，爲業不同，皆所以食力也。今之爲民，不能自食，以日夜竊人貨殖，攫而取之，不亦盜賊之心乎？盜賊害民，隨起隨仆，不至甚焉者，有避忌故也。吏無避忌，白晝肆行，使天下敢怨而不敢言，敢怒而不敢誅，豈上天不仁，崇淫長姦，使與虎豹

蛇虺均爲民害邪？然則如之何？曰：得才且賢者用之；若猶未也，廢有司，去縣令，聽天下自爲治亂安危，不猶愈乎？

作者小傳

（選自伯牙琴）

鄧牧，字牧心，宋錢塘人。宋亡後，隱居餘杭洞霄宮之超然館，唯與謝翱周密等友善。世稱文行先生。著有洞霄圖志。其詩文集名伯牙琴。

註釋

① 九卿 三代以後官制，皆設九卿。宋之九卿，仍襲漢及北齊制，爲太常、光祿勳、衛尉、太僕、大理、大鴻臚、正、宗、大司農、太府等，並稱九寺。

② 百執事 猶言百官。

③ 刺史 漢武帝置部刺史，督察郡國。自隋罷郡，以州統縣，刺史遂爲太守之互名。

④ 胥徒 庶人在官者之稱，猶今之僱員。

⑤ 唐虞建官 書周官：『唐虞稽古，建官惟百。』

⊗ 食邑 卽古之采邑，謂食其邑之租入也。

⊕ 並緣 並，傍也；緣，因也。因其假官之名義以謀食也。

⊙ 二帝三王 二帝，謂堯舜；三王，謂禹湯文王也。

三 患盜論

劉 敞

天下方患盜，或問劉子曰：「盜可除乎？」

對曰：「何爲不可除也！顧盜有源，能止其源，何盜之患！」

或曰：「請問盜源。」

對曰：「衣食不足，盜之源也；政賦不均，盜之源也；教化不修，盜之源也。一源慢⊖則探囊發篋而爲盜矣；二源慢則操兵刃劫良民而爲盜矣；三源慢則攻城邑略百姓而爲盜矣。此所謂盜有源也。豐世無盜者，足也；治世無賊者，均也；化世無亂者，順也。今不務衣食而務無盜賊，是止水而不塞源也；不務化盜而務禁盜，是縱焚而救以升甬⊙也。

且律使竊財者刑，傷人者死，其法重矣；而盜不爲止者，非不畏死也，念無以生，以謂坐

而待死，不若起而圖生也。且律使凡盜賊能自告者除其罪或賜之衣裳劍帶官爵品秩，其恩深矣；而盜不應募，非不願生也，念無以樂生，以謂爲民乃甚苦，爲盜乃甚逸也。然則盜非其自欲爲之，由上以法驅之使爲也；其不欲出也，非其自不欲出，由上以法持之使留也。若夫衣食素周其身，廉恥夙加其心，彼唯恐不得齒良人，何敢然哉！故懼之以死而不懼，勸之以生而不勸，則雖煩直指之使，^⑤重督捕之科，固未有益也。今有司本源之不卹，而倚辦於牧守，此乃臧武仲所以辭不能詰^⑥也。

凡人有九年耕，然後有三年之食；有三年之食，然後可教以禮義。今所以使衣食不足，政賦不均，教化不修者，牧守乎哉！吾恐未得其益，而漢武沈命^⑦之敝，殆復起矣。若乃尙籀發之術，任巧譎之數者，未足以絕姦，而鄧雍因以見殺於晉。^⑧故仲尼有言，「聽訟吾猶人也，必也使無訟乎？」^⑨推而廣之，亦曰，用兵吾猶人也，必也使無戰乎？引而伸之，亦曰，禁盜吾猶人也，必也使無盜乎？蓋亦反其本而已矣！

爰自元昊犯邊，^⑩中國頗多盜，山東尤甚。天子使侍御史督捕，且招懷之，不能盡得，於是令州郡盜發而不輒得者，長吏坐之，欲重其罪。予以謂未盡於防，故作此論。

作者小傳

劉敞，字原父，宋臨江新喻人。由進士累官集賢院學士，判南京御史臺。學問淵博，文尤瞻敏。私諡公是先生。著有公是集，兩漢刊誤等書。

註釋

○ 慢 輕忽也。

○ 侖 古量名，容千二百黍，爲升之十分之一。

○ 直指之使 漢武帝時，嘗遣直指使者，分部逐捕羣盜。直指，言指事而行，無阿私也。

○ 臧武仲所以辭不能詰 左傳襄公二十一年，邾庶其以漆閭丘來奔，季武子厚待之。於是魯多盜。武子謂

臧武仲曰：『子盍詰盜？』對曰：『不可詰也。』

○ 沈命 漢武帝作沈命法：羣盜起，不發覺，發覺而捕不滿品者，二千石及小吏主者皆死。沈，沒也；謂敢蔽匿盜賊者，沒其命也。

○ 邾雍因以見殺於晉 晉國苦盜。邾雍者，以視察得盜，千百無遺一。羣盜謀曰：『吾所窮者，邾雍也。』遂

共殺之事見列子說符篇。

④ 聽訟二短句 語出論語顏淵章。

⑤ 元昊犯邊 宋初趙元昊自立爲帝，國號夏，據今內蒙古鄂爾多斯及甘肅省。仁宗朝屢次入寇。

四 談動

朱光潛

朋友：

從屢次來信看，你的心境近來似乎很不寧靜。煩惱究竟是一種暮氣，是一種病態，你還是一個十八九歲的青年，就這樣頹唐沮喪，我實在替你擔憂。

一般人歡喜談玄。你說煩惱，他便從哲學辭典裏拖出「厭世主義」，「悲觀哲學」，等等堂哉皇哉的字樣來敍你的病由。我不知道你感覺如何，我自己從前彷彿也嘗過煩惱的況味，我祇覺得憂來無方，不但人莫之知，連我自己也莫名其妙，哪裏有所謂哲學與人生觀！我也些微領過哲學家的教訓，在心氣和平時，我景仰希臘廊下派哲學者，相信人生當皈依自然，不當存有噴喜貪戀，我景仰託爾斯泰，相信人生之美在宥與愛，我景